



2021-y. «14» июль

№ 06-06/2-486

«__» _____ 2021 г.

**Қорақалпоғистон Республикаси
халқ таълими вазири,
Тошкент шаҳар халқ таълими
бош бошқармаси ва вилоятлар
халқ таълими бошқармалари
бошлиқларига**

Ўзбекистон Республикаси Халқ таълими вазирлиги томонидан республикада коронавирус инфекциясининг тарқалишини олдини олиш борасида кўрилаётган чоралар шароитида жисмоний ёки психик ривожланишида нуқсони бўлган болалар учун ихтисослаштирилган давлат таълим муассасалари (мактаблар, мактаб-интернатлар)га 2021-2022 ўқув йили учун болаларни қабул қилиш бўйича эслатма ишлаб чиқилди (эслатма илова қилинади).

Сиздан мазкур эслатмага асосан карантин қоидаларига қатъий риоя қилиб, ота-оналар (уларни ўрнини босувчи шахслар) ва болалар хавфсизлигини таъминлаган ҳолда таълим муассасаларида қабул жараёнини белгиланган муддатларда ташкил этишингиз сўралади.

Илова: 3 варақда

Вазир ўринбосари

В.Ражапов

Ижрочи: Р.Тўраев
Тел: 95-479-99-14



**Республикада коронавирус инфекциясининг тарқалишини олдини олиш
борасида кўрилатган карантин шароитида жисмоний ёки психик
ривожланишида нуқсони бўлган болалар учун ихтисослаштирилган
мактаб ва мактаб-интернатларга 2020-2021 ўқув йили учун болаларни
қабул қилиш бўйича
ЭСЛАТМА**

I. босқич

Ота-оналар (уларни ўрнини босувчи шахслар)га қулайлик яратиш мақсадида боланинг яшаш ҳудуди (вилояти)даги таълим муассасасига қабул қилиш учун жисмоний ёки психик ривожланишида нуқсони бўлган болалар учун ихтисослаштирилган мактаб ва мактаб-интернатларнинг кўринадиган жойида:

1) талаб этиладиган ҳужжатларни электрон шаклда юбориш учун таълим муассасаси, таълимнинг бошқарув идоралари расмий сайтлари ҳамда ижтимоий тармоқ манзили, масъуллар телефон рақамлари;

2) таълим муассасасига қабул қилиш учун зарур бўладиган қуйидаги ҳужжатлар рўйхати жойлаштирилади:

- ота-оналари ёки уларнинг ўрнини босувчи шахсларнинг йўналиш кўрсатилган ҳолдаги (таълим муассасаси рақами кўрсатилмаган) аризаси;

- боланинг яшаш жойидаги оилавий поликлиника (КДП) бош врач томонидан имзоланган, педиатрнинг боланинг умумий ривожланиши ҳолати тўғрисидаги хулосаси;

- ўқишга қабул қилинадиган барча болалар учун психоневрологнинг тиббий ташхиси ва боланинг ақлий ривожланишига тавсифи;

- оториноларингологнинг (ЛОР) кулоқ, томоқ, бурун ва талаффуз артикуляциясида иштирок этувчи органларнинг ҳолатига тавсифи (эшитишда нуқсони бўлган болалар учун — сўзлашув нутқ ва шивирлаб айтилган сўзларни идрок этиш ҳолати тўғрисидаги маълумотлари, аудиограмма маълумотлари);

- офтальмологнинг (кўз врач) кўриш органига тавсифи (кўришда нуқсони бўлган болалар учун- батафсил ташхиси);

- ортопед врачнинг хулосаси (таянч-ҳаракатланиш аппаратида нуқсони бўлган болалар учун);

- таълим муассасаларида ўқиган болалар учун таълим олганлиги тўғрисидаги ҳужжатлар.

Бундан ташқари ота-оналар (уларни ўрнини босувчи шахслар) учун таълим муассасаси, таълимнинг бошқарув идоралари расмий сайтлари ҳамда ижтимоий тармоқларда жисмоний ёки психик ривожланишида нуқсони бўлган

болалар учун ихтисослаштирилган мактаб ва мактаб-интернатларга болаларни қабули тўғрисида маълумотлар рукни очилади ва ахборотлар бериб борилади

II. босқич

Ота-оналар (уларни ўрнини босувчи шахслар) боланинг яшаш ҳудуди (вилояти)даги таълим муассасасига қабул қилиш учун рўйхат асосида зарур бўлган ҳужжатларни тўплайди ва таълим муассасасида ташкил этилган ишчи гуруҳига электрон шаклда юборади ёки яқин бўлса бориб топширади.

Боланинг яшаш ҳудуди (вилояти)да тегишли йўналиш бўйича таълим муассасаси бўлмаса, барча тўпланган ҳужжатлар Қорақалпоғистон Республикаси Халқ таълими вазирлиги, Тошкент шаҳар халқ таълими бош бошқармаси ва вилоятлар халқ таълими бошқармалари ҳузурида ташкил этилган психологик-тиббий-педагогик комиссияга электрон шаклда юборилади.

III. босқич

Таълим муассасаларида боланинг яшаш ҳудудидаги ўқишга қабул қилиш учун талаб этиладиган ҳужжатлар тўлиқлигини кўриб чиқиш мақсадида ушбу муассасанинг шифокори ва мутахасис ўқитувчилардан иборат таълим муассасаси ишчи гуруҳи ташкил этилади. Ишчи гуруҳи ота-оналар (уларни ўрнини босувчи шахслар) томонидан тақдим этилган яшаш ҳудуди бўйича ўқишга қабул қилинадиган боланинг ҳужжатларини қабул қилганлиги тўғрисида махсус қайд қилиш дафтарига ёзув киритади ва ота-оналар (уларни ўрнини босувчи шахслар)га имзолатади.

IV. босқич

Ишчи гуруҳи ота-оналар (уларни ўрнини босувчи шахслар) томонидан тақдим этилган яшаш ҳудуди бўйича ўқишга қабул қилинадиган боланинг ҳужжатларини 1 (бир) кун муддатда кўриб чиқади ва ҳужжатлар тўлиқлигига ишонч ҳосил қилинганда, ҳужжатларни психологик-тиббий-педагогик комиссиясига йўналтиради.

V. босқич

Жисмоний ёки психик ривожланишида нуқсони бўлган болалар учун ихтисослаштирилган мактаб ва мактаб-интернатларнинг ўзида вилоят халқ таълими ва соғлиқни сақлаш бошқармалари томонидаи тасдиқланган жадвал асосида психологик-тиббий-педагогик комиссия ташкил этилади.

Ишчи гуруҳи психологик-тиббий-педагогик комиссия фаолият бошлашидан 3 (уч) кун аввал ота-оналар (уларни ўрнини босувчи шахслар)ни огоҳлантиради ва бола билан комиссияга келишини маълум қилади.

Психологик-тиббий-педагогик комиссия тақдим этилган ҳужжатлар асосида ҳар бир боланинг ҳолатини ўрганади. Болани тегишли йўналишли таълим муассасасига ўқишга тавсия этиш учун 1 (бир) кун муддатда Қорақалпоғистон Республикаси Халқ таълими вазирлиги, Тошкент шаҳар халқ таълими бош бошқармаси ва вилоятлар халқ таълими бошқармалари ҳузурида ташкил этилган психологик-тиббий-педагогик комиссияга электрон шаклда маълумот тақдим этади.

VI. босқич

Қорақалпоғистон Республикаси Халқ таълими вазирлиги, Тошкент шаҳар халқ таълими бош бошқармаси ва вилоятлар халқ таълими бошқармалари ҳузурида ташкил этилган психологик-тиббий-педагогик комиссия психологик-тиббий-педагогик комиссия маълумотларини ҳар томонлама таҳлил қилиб, таълим муассасалари биносининг қуввати ва тарбияланувчилари сонидан келиб чиқиб, болани тегишли ихтисослаштирилган таълим муассасасига йўналтиради ва 1 (бир) кун муддатда бола билан олиб бориладиган таълим-тарбиявий ва даволаш-тузатиш бўйича тавсиялари акс этган баённи таълим муассасасига тақдим этади.

Боланинг яшаш ҳудуди (вилояти)да тегишли йўналиш бўйича таълим муассасаси бўлмаган тақдирда, Қорақалпоғистон Республикаси Халқ таълими вазирлиги, Тошкент шаҳар халқ таълими бош бошқармаси ва вилоятлар халқ таълими бошқармалари ҳузурида ташкил этилган психологик-тиббий-педагогик комиссия ота- оналар (уларни ўрнини босувчи шахслар) мурожаатларини ўрганиб чиқиб, Халқ таълими вазирлигига тегишли хат билан мурожаат қилади.

VII. босқич

Таълим муассасаси ишчи гуруҳи боланинг ота-онаси (уларни ўрнини босувчи шахслар)га 3 (уч) кун муддатда бола ихтисослаштирилган таълим муассасасига қабул қилинганлиги тўғрисида маълум қилади.

Шунингдек, болаларни муассасага қабул қилиш жараёнида Ўзбекистон Республикаси Президентининг “Аҳоли ва тадбиркорлик субъектларига давлат хизматларидан фойдаланишда янада қулай шароитлар яратиш, бу борада бюрократик тўсиқларни қисқартириш бўйича қўшимча чора-тадбирлар тўғрисида” 2021 йил 23 мартдаги ПФ-6191-сон фармони талабларидан келиб чиқиб, фармон билан талаб этиш ман қилинган 18 турдаги ҳужжатлардан бирортасини фуқаролардан талаб этиш қатъиян ман этилади.